

## نعت شریف

من موہن دلدار چھیندے مٹھڑا محمد دوست دلیں دے  
پاڑے وسدے دلبر جانی بطحا یثرب عربستانی  
شکل ملائک نور پیشانی ساڈے ہن او نور اکھیں دے  
دلڑی کون ہک تیڈی لوڑے نیش ہجر نت نشتر پوڑے  
سول وچھوڑے ڈیون دہوڑے سکدیں کون سین گل چا لویندے  
ہیوین دلڑی پئی ہن پھاتھی سکدیں گذری مفت حیاتی  
عرب دا والی پا ہک جھاتی مسکینیں دا عرض منیندے  
موت مریندے درد شدیدے ہر ہر لحظے جرم جدیدے  
پر وت تیڈا رحم مزیدے تو بن بیا وت کون کہیندے  
دائم ہووے ایہا سلطانی لکھ لکھ منتاں مہربانی  
محرم دل دا دلبر جانی دلبر مانے نینہں کریندے  
عبدالغفار قدیم غلامے بھر ڈے شوق شراب دا جامے  
تھیوان پی کر مست مدامے عیب بھیندے عیب کجیندے